

關聖帝君寶訓像註

慎勿污褻

風陵文庫
文庫19
F 277
2

60

55

50

45

40

關帝寶訓像註卷二目錄

守王法

王之綸 贈獎賢紳

重師尊

彭汝勵 尊師忘貴 韓天秀 加禮延師

信朋友

朱暉 知已信心 汪一清 賀

高玉亭 禮接貧友

和鄉鄰

陳緒昌 濟鄰得嗣

別夫婦

F0277-(2)

蘇汝惠 重母愛妻 曹鼎 妻賢夫義

史堂 薄妻獲譴 張孺人 勤儉相夫

陸氏 前夫示譴 瑞安公主 貴主不妒

徐氏 妒殺孕妾

教子孫

盧氏 訓子清宦 王瑤 溺愛絕嗣

程母 大賢母教 巨盜 臨刑咬母

時行方便

袁待賢 方便獲福 李中美 吏隸勸善

吳文英 大師勸善

廣積陰功

富弼 濟饑德普 曹彬 好生誓衆

楊自懲 曲解宰怒 趙邃 夢接前賢

救難

黃汝楫 捐金贖掠 李遂 執獄平反

張繡 代人贖罪

濟急

李凝 恤留產婦 左藻 七魂報德

孫景固 貧能濟急

恤孤

石崑玉 代贖孤女 劉宏敬 憐孤認女

憐貧

瞿嗣興 暗恤貧人 費黃 富而恤貧

李登瀛 貧能恤佃

洵修廟宇

萌道人 誠修神廟

印造經文

陳之棟 印經解厄

拾藥

蔡元璜 施藥登第

施茶

陽雍伯 施漿獲璧

戒殺

汪君弼 誓天戒殺 周豫 戒殺顯宦

放生

王敏仲 師勸放生 楊序 放生延壽

鄭圭 夢神授書

造橋

董起 造橋成仙

修路

馬景白 修路榮貴

補註

愛兄弟

謝景先 事兄誠敬 陳世恩 友感季弟

睦宗族

范文正 廣置義庄

守王法

增論王法者國家之定律頒行天下令人知所遵也而世有一種懵懂輩不知法爲何物乃昧而不守者有之又有一種兇頑輩明知法不可寬乃玩而不守者有之不守法斯犯法矣以至在家之人而竟爲在官之人無罪之身而竟成有罪之身諺云人心似鐵官法如爐受繫受辱顏面無以見人而且一經法斷輕則皮肉俱裂重則性命不保吁王法顧可忽乎哉惟守法自不犯法此義不但庶人當知凡爲紳士更宜倍慎也



明王之綸在京爲御史。每寄書戒其子弟曰。官糧早完。佃租緩索。有外侮宜忍。不宜爭。求說情宜辭。不宜應。王法森嚴。凜不可犯。惟恪守爲上耳。子弟遵其訓。邑人稱贊不絕。後按院知其居鄉賢。贈以匾額。遠近諸紳聞而感化。


重師尊

增論師何以尊稱耶。言其文章品行。足以爲人之矜式。故曰尊焉。而世之延師者。率多輕之。以敦詩說禮之儒。竟等於梓匠輪輿之輩。猥曰其志將以求食也。噫。謬矣。每見富厚之家。以一器一物付人製造。猶慤慤而申款洽。况以子弟之成立。托之於師。何等關係。而漫無隆儀厚誼耶。必虛心以待之。折節以求之。寧爲過情。毋爲不及情。則尊師之道得。而若人世獲書香之報矣。



Blank page with vertical lines for text.


宋待制彭汝勵少常師倪天隱及官保傅迎天隱於家執
 弟子禮恭甚天隱死母猶未葬明年妻亦死且無子公為
 葬其三喪又為嫁女於同年進士宋渙不忘師於死後自
 不輕師於生前也



關帝實錄卷之五
五
開韓天秀江西人。每延師必卑禮厚聘。預送三月束修。令師安家。得以盡心教我子弟。於束修外。衣帽菓餅等物。頻餽送。遇師有急難事。破格厚贈。凡師辭館時。又送三月束修。師多辭之。秀曰。師今閒居。聊爲三月費也。後二子俱中式。書香甲於一邑。

愛兄弟

〔增論〕兄弟乃我同氣。縱有嫡庶之分。究係一脈。相沿同氣。連枝只此幾人。人生最爲難得。自父母看來。卽是一體。使稍有參商。父母之心必慘然不安。故見兄弟如見父母。且兄弟爲手足。彼此護持。痛癢相關。安有手足而相攪攘者乎。



皇朝御製
卷二

五

謝述字景先少有志行事兄盡誠敬次兄景仁素憎述遇
之無禮及景仁病述盡心事湯藥飲食必先嘗而後進衣
不解帶不盥櫛者累旬景仁感愧友愛遂篤後景先登第
官至御史



謝述字景先少有志行事兄盡誠敬次兄景仁素憎述遇
友感季弟 七

夏邑陳世恩萬歷己丑進士兄弟三人季弟庶母所生好遊狎早出暮歸長兄規正不收公曰傷愛無益每夜親守戶外待弟入手自扃鑰問以寒煖飢飽愛惜之情形於言貌年餘弟大悔不復遊狎


信朋友

增論朋友乃五倫之一也。人少長出就外傳必有年相若者。彼此往來。而朋友自此始。嗣後年愈壯。友愈多。若求善與人交之道。厥惟有信之一字。信者不欺。心不負心之謂也。一則驗之於窮達之境。一則驗之於生死之關。一朝富貴。不忘貧賤之交。凡舊日相與莫逆者。每延而致之。爲伊謀安全計。久遠而不僅托諸空言。斯爲尚義之君子。乃信之不以窮達而易者也。或不幸而友亡。凡一切身後之事。伊親族所不敢擔荷者。慨然以爲己任。卽遠隔河山。必千里寄書。詢其父母何依。妻子何託。但可以釋其苦。而分其憂者。盡心力而爲之。斯爲尚義。


克終之君子。乃信之。不以生死而殊者也。噫。今之交情。日趨日下矣。有若此其信人乎。吾將歌之。詠之。以愧夫朋友之不信者。



朱暉南陽宛人與張堪同縣堪於太學中見暉接以友道把其臂曰他日欲以妻子託生暉以堪先達不敢對自後不復相見堪亡後暉聞其妻子貧困自往候視分居食給之暉子怪問曰大人不與張君為友何乃如此暉曰張君嘗有知己之言吾已信於心矣嗟乎朱暉之德固不待言張堪之識洵為巨眼錄此并以告托友者不可不慎擇也



明鎮海諸生汪一清嘉靖辛酉廣東張連作亂清爲所獲
已而賊執一婦至清視之則友人妻也因給賊曰此吾妹
氏請無污以待贖否則吾與妹碎首於此若曹何利焉賊
因并清閉置一空室中昏夕相對匝月始贖去後清子弱
冠登第



明高玉亭先生爲副憲時有朋友來謁者必整衣延入嚴諭門僕不許妄回一人查出妄回一人立刻扑責驅逐其夫人曰門僕措不通報固可恨但朋友多向爾訴窮似亦宜少見公歎曰彼雖訴窮吾量力資助設法周全亦是陰騭事不可縱僕拒人令友寒心也後公壽八十子孫簪纓不絕

睦宗族

〔增論〕宗族自始祖發源一脈流通者也以我視之則有親疎以祖視之皆子孫也木本水源之謂何忍不體祖宗之意而不睦乎然睦之之道當行實事一族之中至有百餘戶者務必建家廟修族譜使尊卑上下之序不至混淆且每年入廟祭奠共知某祖某孫某叔某伯而合族之兄弟子姪不致有途遇而不識者至歲用外苟有餘貲又當置田爲族中貧不能婚嫁喪葬者助又當於家廟中設立義學延文行之師視族中子弟聰明而不能就傅者教之苟能成就人才爲合族光尤祖宗所欣幸也卽獨力不能支而於族中稍殷實者勸其捐助


以求其成庶幾無忝祖考者乎



宋范文正公為相其恩例俸賜必均及族中於姑蘇買良田數百畝為義庄於族中之貧乏者每人日給米一升歲給絹一匹嫁娶喪葬皆有周給嘗曰吾宗族甚眾雖有親疎然自吾祖視之均是子孫且自祖宗來積德百餘年始發於吾若獨享富貴不恤宗族他日何以見先人於地下今日何顏入家廟乎其子純仁克繼父志俸祿盡廣義庄睦族之道真可為天下後世法也又袁了凡公初無子四十歲始生子名儼夫人為子製冬衣以絮鋪之公曰絲綿輕暖家中自有何必鋪絮夫人曰絲綿貴絮賤我欲以貴易賤贈族中無衣者公曰此子壽矣

和鄉鄰

增論何言乎鄉與鄰耶萬二千五百家為鄉鷄鳴狗吠聲相接而夜聞者也五家為鄰出作入息面相識而日見者也地邇而人親可不與之和歟且財甲一方即宜扶助一方之貧勢甲一方即宜拯濟一方之難匪若是則無情無義必為鄉鄰所不齒矣若復傲慢之疎絕之侵奪之又為鄉鄰所切齒者矣縱富貴驚人其如眾口之怨罵何故特表而出之曰和為貴



關帝廟

卷二 濟鄰得嗣

十一

關帝廟


十一

陳緒昌福建人。六旬無嗣。值歲荒。里中多不能糊口。昌買糧借給之。令俟豐收償還。率以爲常。鄰里數百家。祝昌早生貴子。賢孫。後生一子。爲翰林。孫爲刑科都給事中。

別夫婦

增論夫婦配合。孰不以爲天緣之所湊哉。然其間有善緣焉。有惡緣焉。其在善緣。夫過愛其婦。婦篤愛其夫。所謂終日嬉樂者是也。若在惡緣。夫無情於婦。婦無禮於夫。所謂終日詬訾者是也。凡此又何足以言別耶。所貴乎別者。夫表刑于之。化婦修順從之德。一正外而不干內政。一正內而不豫外事。乾剛坤柔。適符唱隨之義。如此而家道有不興隆。子孫有不繁衍者乎。至於婢妾。切莫輕納。倘正室不能賢淑。而勉強爲之。非致夫婦之失歡。必致婢妾之失所。其間有隱過焉。可不慎歟。惟年逾四十無子。而正室不能生育者。是不可不爲善全之計。


昔人云一夫一婦天下之正道孤陰寡陽人間之缺陷
 無子不可無妾有子多妾何為或娶妾久而無出者恐
 負彼青春未免閨怨又當及時為之覓良配而成室家
 免了多小孽冤解却多少纏縛至精氣漸衰年華漸邁
 對青鏡而自生愁歎尚問嬌柔悅汝乎若婦人事夫柔
 順為德夫有父母孝以承之夫有兄弟和以處之夫有
 親族禮以待之夫有婢妾莊以臨之恩以恤之婢妾有
 子撫如已生或為繼室夫有前子慎勿漠視持內政之
 綱作中饋之主勤儉操家恭默自處凡事不專稟明夫
 子勉夫為善阻夫為惡如此而丈夫有不愛敬賢妻傍
 人有不欽誦賢婦者斷無是理也




明蘇汝惠。陝西人。六歲無父。其母爲聘定一女爲妻。甫五歲。未半載。惠母亡。妻長大。貌陋足跛。惠娶婦歸。琴瑟甚調。一友譴之曰。聞汝婦面目可憎。何不再買一婢。惠曰。此吾母所親聘定者也。所戴簪環皆吾母故物。若少一憎之。是忘母也。情近於貪色罪。幾於不孝。吾何忍爲友人改容起敬。後惠由武生出仕。官至總兵。




明曹鼐幼家貧常嗟嘆其妻勸之曰嗟嘆無益男兒當自強也從今汝奮志讀書我績紡供汝膏火公曰諾後中狀元有同年欲代為買妾者公貽以詩曰宋配糟糠不下堂史傳此語義非常今人堂上夫情薄未若更言不下牀同年佩服不已公後入相土木之難盡節謚文忠




史堂微時已娶及登第自恨不得富家女為妻悔之遂日
 睽隔不復同室其妻鬱鬱成疾數歲堂不一顧妻亦飲恨
 臨終隔壁呼堂曰我今死矣爾忍不一視耶堂終不顧及
 妻死心不自安乃從邪說謀為厭勝以土器蓋其面兼以
 木枷索束縛其尸而殮是夕其妻托夢與父曰女託非人
 生懷愁恨死受厭勝然堵亦以女故壽祿皆削盡矣明年
 堂果卒




張孺人者。醫正蔣康齋之配也。康齋素貧。以醫自業。家事有無。一切不暇問。張孺人躬撻筥。鑰樽節。盈縮化匱。爲豐饗賓客。則躬潔酒。餉勤女工。則親率紡織。康齋以是無內顧之憂。晚年受諸子供養。每進豐膳。必戒曰。毋以奢故耗產。撫諸子孫及婢僕。顏色溫然。未嘗有叱咤聲。年八十餘。耳目行動如常。



鄭朝議之從子。娶陸氏。伉儷甚綢繆。鄭嘗於枕蓆間。謂陸曰。我不幸死。汝無得嫁。汝死。我亦如之。陸曰。要共百年。偕老。奚爲出此不祥語。居數年。鄭感疾。自度必死。臨終。與陸對。父母復申前言。陸但俛首悲泣。鄭死。陸竟攜貲改適。一日。陸昏暮。獨坐。恍見一卒。投書視之。則宛然前夫筆跡也。其詞曰。十年結髮。夫妻一生祭祀之主。朝連暮以相歡。俸有餘而共聚。忽大幻以長往。慕何人而輕許。違棄我之田疇。攘貲財而遂去。不惜我之有子。不念我之有父。義不足以爲人之妻。慈不足以爲人之母。吾已訴於上蒼。行對理於幽府。陸媿駭流汗。未幾而卒。



明瑞安公主適駙馬都尉萬煒。久之未有子。定制公主無所出。不得畜妾。主曰。豈可因我一人。使萬氏無後乎。入啟皇太后。白於神宗。擇宮婢二人去。煒生數子。



你好人行好事


關帝賣川象生
卷二 一 姑殺孕妾

湖廣岳州衛趙指揮妻徐氏悍妒趙本孤族無嗣嘗置一妾徐虐其妾經歲月不令與夫同處及妾有娠飲以峻劑暨胎皆隕焉徐氏後患腹疾謔語既爲妾聲又爲兒聲懼苦數月而死趙亦繼亡家無噍類噫一妒婦而斬絕世勲痛哉

教子孫

增論子孫繩繩而起宗祧喜有託矣而特患其逸居而無教也無教則卽於輕薄流於癡狂乃家門之玷也甚至淫賭其行凶頑其性又家門之大辱而大害也必教之以正勿游手而好閒也勿狐朋而狗友也勿縱酒而漁色寡廉而鮮恥也而日令其好善惡惡以端其本令其誦詩讀書以成其名令其取古今之嘉言懿行以廣其意令其法聖賢之文章道德以高其品凡此皆所謂教也而子孫果率教惟謹窮則爲俊士達則爲良臣自慶行於無盡矣


關帝實則象主
卷二訓子清官




三

關帝實則象主
卷二訓子清官
三

唐崔元暉為郎。其母盧氏訓之曰。吾見姨兄辛元馭云。兒子仕宦者。有人來云。貧乏不能存。此是好消息。若云。貲財充足。衣馬輕肥。此是惡消息。吾嘗以為確論。比見親表中。仕宦者。多將銀物寄其父母。伊父母但知喜悅。竟不問此物從何而來。果祿俸餘資。誠一美事。如非理所得。與盜賊何別。元暉奉母訓。日矢清忠。為一代名臣。



涿郡王瑤溺愛五子任其放恣養成惡性父不能制時告諸官二子次第俱死遂絕後及瑤死次年二月十五日本處城隍司祝劉進聞廟中聲喧披衣起視從壁孔窺見王瑤持狀求清明祀城隍怒曰爾有子不能教自絕嗣誰可祀令鬼卒驅之瑤大哭去次日訪之乃知瑤死已歲餘矣



程母侯氏程大中公珦之妻。明道伊川二程子之母也。母事舅姑。內外聞其孝。大中公禮敬特甚。而母益謙順。自牧罔或悖焉。雖小事未嘗專。必稟命而後行。治家有法。不嚴而整。不喜笞扑婢侍。或兒女諸子小有呵責。必戒之曰。貧賤雖殊。人則一也。怨僕妾之過。惟恐有傷。獨諸子有過。小則詰責。大則請命於大中公。必令其改而後止。嘗曰。子之所以不肖。皆母蔽其過。則父不知。而無由以正之也。故二程夫子飲食衣服。一無所擇。學成大儒。大程官至御史中丞。二程官至侍講。一代名儒。多出其門。配享孔廟。封爲伯。後世誦程母之教不衰。



昔有一巨盜臨刑其母來餽食盜齧母之臂至流血謂人曰我今日之死實母致之也吾少時竊人一針竊人一草母從無禁阻反懽喜之積久成習豈知有今日乎


時行方便

增論善事多端方便第一有財有勢固易舉行若無財無勢者豈遂不能行方便歟曰有口角之方便在或間談雅論引起人之善心遏抑人之邪念成就人之美事掩藏人之陰私提醒人之迷誤解釋人之怨仇皆隨口方便而陰隲實寓焉至於片言數語立活萬人現救萬命除千年之害垂百世之利又方便之大而陰隲之難名者矣噫無論方便之大小但使念念常憶刻刻不忘且不使人知不令人感久之自然上格穹蒼矣

關帝廟川原生

卷二 方便獲福

三




關帝廟川原生 卷二

三

Blank page with vertical lines for text.

明袁待賢。太學生。浙江人。赴京訪親不遇。流落報國寺。窘甚。同寓李某。新補廣東郡守。憐而食之。因順路帶回鄉。李精算子平。一日為賢看命。訝曰。汝命孤貧。非僧道則乞丐。當努力修省。以造命。賢曰。無錢行善。奈何。李曰。汝口才過人。肯行方便。善自難量。賢從之。到家日。尋方便事行。越五年。掘地得銀。從此致富。因訓其子曰。天定爾翁。孤更窮。春生口角。命旋通。兒曹傾聽。還牢記。方便原來最有功。後二子俱登仕籍。



關帝賣川象生
卷二 吏隸勸善

明上元縣李中美為皂隸存心仁恕好行方便嘗曰公門好修行與刑吏朱某善勸吏曰本官親信汝若不行方便是入寶山空手回也吏歎曰我尚知文義似汝一字不識竟能道此語心實佩服二人遂聯為姻相勉行善後吏之子年二十成進士隸之孫年十八登鄉薦



明吳文英平生好勸人爲善。每令人厭友譏之曰：爾勸人爲善，究竟善在於人，于爾何益？何苦令人厭耶？文英不悔。後問于聽雪大師，師曰：吾聞之經云：一人勸一人，作福兩平分；一人勸九人，作福十人。分理可深信，義可類推也。若謂勸善無益於己，豈不謬哉？


廣積陰功

增論：凡立言行事，有裨益於人者，皆謂之功。裨益於人而彼此相忘於不覺者，謂之陰功。大之而天下後世蒙其澤，小之而鳥獸草木順其性，陰功之量廣矣哉！所貴乎能積之也。居得爲之勢，有可用之財，誠心而行之，其功固易廣也。卽無財無勢，而矢心以勉之，竭力以爲之，凡一言一行，無非濟人利物之思，一動一靜，罔有自私自便之謀。至誠恒久，將見日計之而不足者，月計之而有餘矣。月積歲積，始猶有人見爲功而已，尚覺其功者。迨其後，已不自覺其功，而人亦並忘其爲功矣。故有時揚人之善，成人之美，固功也。卽有時折人之短，辱人之

身亦安往而非功耶。廣矣哉。向非有以積之。何克臻此。人之有心於陰功者。其亦廣積之而可乎。



富弼鎮青州。適河決八州之民流入京東。弼勸民出粟十餘萬斛。隨處貯之。以濟殍者。括公私閒舍十餘萬區。散處之。使便薪水。明年麥熟。計遠近。授糧使歸。獲生全者五十餘萬。公位極人臣。名垂不朽。



關子實州表生
卷二 好生
三

關帝實訓像記 卷二 宋曹彬忠誠事君謙退自處帥師征討未嘗妄殺初破遂州諸將皆欲屠城公獨執爲不可有獲婦女者悉訪其親還之及伐金陵先焚香誓衆城下之日毋得妄殺一人前後全活不可勝計後公子瑋琮璨繼領旄鉞少子玘追封王爵實生光獻太后以至濟陰生享王爵子孫貴盛無比



鄞人楊自懲初爲縣吏存心仁厚時縣宰嚴肅偶打一囚
血流滿地怒猶未息楊跪而寬解之宰曰此人悖理不由
人不怒楊叩首曰上失其道民散久矣如得其情哀矜勿
喜喜且不可而况怒乎宰爲霽顏楊家甚貧餽遺一無所
取遇囚人之糧多方濟之一日有新囚待哺家又缺米給
囚則家無食自顧則囚堪憐與其婦商之婦曰囚從何來
曰自杭而來菜色可掬因撤已之米煮粥以食之後生二
子長曰守陳次曰守陞爲南北吏部侍郎次孫四川廉憲
俱爲名臣




國朝趙邃大興人年十六入學帶眼疾進場以致左目內障醫言十五年後傳至右目又夢神告以壽不及四旬心憂之誓行陰騭以造命康熙癸卯春借友人園讀書有鄰女來就公峻拒之旋移去是秋中式初選保定教授日誦感應篇一言一動恐犯太上之戒每飭子曰人不怕見閻王只怕見閻王說不得話耳一夕夢人揖之曰吾袁了凡也汝誦感應篇能身體力行特來相謝汝常如此行自有好處公曰吾左目障恐傳至右目袁答曰不盲於心斷不盲於目也後陞陝西米脂縣知縣清正無私次子如升年十八登鄉薦公左目忽一日重明享壽六十三病痢見童子持幢幡來迎談笑而逝

救難

增論悲哉人之陷於難也百計求之而莫能脫將遂坐視其死而莫之救耶夫人之所以不能救者大抵以無財無勢不足以救之耳我若有財有勢固當竭力救之倘我亦復無財無勢又惡乎能救之哉然而未可已也直當引爲己難低首下心轉懇夫有財者而借其財有勢者而藉其勢迨財勢兩得而更日夜代爲之謀務救其人之得脫於難而後已此其心豈望報耶而天必將有以報之矣

關帝廟前像


卷二 捐金贖涼



關帝廟前像


三

宋黃汝楫。浙人。家富。時方臘寇亂。汝楫以金銀瘞土中。欲
 逃避。忽聞賊掠士女千人。拘閉空室中。得金帛始放還。不
 爾則殺死。汝楫惻然曰。我有金二百斤。可悉贖其命。乃起
 所瘞之物。載至賊營。千人皆得脫。楫生五子。相繼登第。



關帝寶誥傳記 卷一 執獄平反

明李遂為刑部郎中。錦衣衛執送十三人為盜。公審知其
 冤。言於長貳請駁之。莫敢任。公毅然曰。規自利而置人於
 死。某不為也。即自署名以駁。竟出十三人。後長子拭。次子
 材。俱登第為憲臺。



張繡邯鄲人家貧無子置一空罈積錢十年而滿適有鄰人犯徒欲賣妻以贖罪而苦三幼子之失母繡聞之謀諸夫人曰彼賣其妻則三子不能活遂以所積錢代完贖銀不足夫人復拔一釵湊之是夕夢上帝抱一兒賜之乃生子國彥歷官刑部尚書

濟急


增論天下之履順境者千百中僅有一二人其餘類皆逆境往往致歎於屢空然終非急也若急則逆中之逆凡有目者所共見凡有心者所共傷矣苟見之而不思有以濟之徒傷之無益也而無如履順之人每不知急迫之苦或漠焉置之而毫不相濟或偶焉濟之而無補其急豈知杯水難救車火以致愁而病病而亡甚至自經於溝瀆者豈少也耶而在尚義之人則出其所有以濟焉更稱貸他人之所有以濟焉且千方百計於無中生有以濟焉卽有履順之人從而誚之曰爾肯顧人之急恐人不肯顧爾之急也而尚義者曰吾將來雖急較

彼今日之急尚。可緩也。將來即急而至死。較彼今日之
死。尚在後也。而何復計之。又何暇慮之。噫。天心無私。惟
善是庇。寧忍負若人。而不加佑耶。



陽明先生遺言 卷二 三 留產婦

平陽耿廉獲罪流徙解送京師途中妻忽欲產人莫肯納
 有李凝者見之惻然曰人孰無緩急安能以室廬自隨哉
 倘產為風露所感冒則母子俱不能生吾寧受不祥何忍
 死其母子因留入室給之漿粥學士宋濂問之高其行為
 作傳焉



七塊報

國朝左藻桐城縣監生初不事舉業貿易蘇州賈婢為女
從嫁婢容端重問其祖父婢泣云我祖七世進士作宦今
父欠官糧無措不得已賣我耳藻聞之惻然因日暮閉女
室中已乃邀同寓博戲達旦隨送女歸其父母不取原值
復與銀釧一副認為己女囑媒為擇良配其父母感泣叩
謝藻父在家夢冠烏紗七人謝曰汝子有陰德奏聞上
帝賜伊一榜醒疑之頃復夢如前藻歸父問其有何陰德
藻乃述前事父告以夢值康熙癸酉科場促令赴試藻遂
入場及試題出藻悶悶而寐夢冠烏紗七人來每人把藻
手寫文一篇藻醒見文已寫畢遂交卷三場皆然榜發藻



孫景固。太平諸生。貧甚。然性好周急。嘗曰。必待有餘而後濟人。恐無濟人之日。不如就目前。勉強爲之。每見人有急。必設法周濟。卽負累受害。亦不恤。後夢神告曰。爾貧能濟急。比富者。功倍。卽有善報矣。次年鄉會聯捷。


恤孤

增論孤子。笄。笄。僅與孀母相倚。爲命耳。豈不大可傷哉。伊父雖有遺貲。而幼不能謀生。不數年而食罄矣。伊父縱有遺產。而弱不能自立。不數年而鬻盡矣。况其間惡族之侵奪。小人之欺騙。又有不可逆計者乎。惟遇此等人。加一番體恤。見其窘迫莫支。則捐金以相助。見其外侮莫禦。則出力以相幫。俾其漸至成人。而後止。然此特就孤子論耳。至於人出外而無偶。則爲孤客。人在家而無輔。則爲孤身。又仁人君子所不忍憇視者。亦必有憐恤之道矣。

關帝實川象主

卷二 代贖孤女

三




關帝實川象主

三

Blank page with vertical lines for writing.

石崑玉開封人富而好善釋道募化不肯多給曰此固好事尚有人行我惟檢人所不肯行者爲之而已凡親友中笑孤寡百般憐恤有亡友孤女賣與人爲婢玉聞而贖之嫁與士人後玉享高壽逝之夕鄰翁見有人執彩旗到門恍若請爲某城隍者




唐劉宏敬資財巨富。遇善相者曰：君財甚豐。然二三年大期將至，奈何？敬曰：天數其可逃乎？相者曰：惟德動天，勤修令德，壽必可延。敬乃爲身後計，有女將適人，覓四婢從嫁。內有方蘭蓀者，色殊而姿態不凡。詢之，對曰：妾代爲河洛名家父，在淮西遇吳寇亂，因姓與寇同，冤遭淪沒。妾已再易主矣。敬傷歎，遂焚其券，認爲甥，厚資先其女嫁焉。一女夢披青衣人泣拜曰：余蘭蓀之父也。感君之恩，無以報。今君壽將盡，當爲請於上帝。後三日，復夢蘭蓀之父曰：幸上帝許延君壽二十五載。富及三代，敬未敢信。三年，相者復至，迎而賀曰：君自眉至髮，有陰德，上動於天，延壽二十五載。慶及三代。

憐貧

增論古今聖賢豪傑多從貧乏中崛起，貧乃好消息也。寧肯受人憐哉？而在中下人，輒以貧爲苦矣。難乎免於人之憐矣。假如欲養親也，而衣食有不給之憂，欲敬兄也，而梨棗有難推之苦，妻子宜和，或因貧而室人交謫，朋友尚義，或因貧而慷慨難施，是人之大倫，每以一貧而有缺已，推之而課子孫無力，完婚姻無資，畢喪葬無措，疾病不能療，恩情不能報，種種苦緒，無非貧之所致。也可憐歟！不可憐歟！而所謂憐貧者，厥有道焉。頻借頻應，而不望其償也。時問時餽，而必託以故也。或予之以不費之惠，而使其不感，或貽以自然之利，而使其不覺。

不然憐矣而矢口嘆嗟未免令貧者氣短憐矣而向人
表白未免令貧者色慚何若憐之而我隨忘憐之而彼
堪受之為愈耶




關帝聖訓修訂 卷二 暗恤貧人

瞿嗣興好行陰德。有一貧人。值大雪。餓不能起。公憐之。攜錢二十緡。投窓隙而去。歲歉。有貧人來糶米。受其錢五千。佯忘曰。汝錢十千耶。倍與之。凡肩挑背負諸人。必多償其直。曰。彼胼手胝足。以求利。忍與較乎。享年八十。無疾而終。子孫累世榮顯。



明費黃鎮江人家計饒足歲歉鄉里親故求貸者無不立
應。至次歲或來償曰周人不足理之常也悉辭弗受。眾心
感刻合力造一橋以祈天祐名曰佑善橋。後其孫闡成化
間會元及第。



國朝李登瀛華亭人家貧僅田二畝佃戶以疾荒其田賣
子以償租公惻然曰爾疾不能治田非爾過也我雖貧尚
能自存奈何使爾父子離散也亟取租銀去贖爾子歸其
人曰兒已成賣豈許贖歟公曰我貧人且讓爾租富室大
家亦知積德我爲爾言之遂與同往主人服其義許之父
子感泣日致禱祝公隨聯捷官至御史

勸修廟宇

增論天下郡邑中莫不有應祀之神以爲斯民佑廟宇
之建正所以妥神以伸其敬耳有如風雨之失調也水
旱之間作也災祲之遞見也則相與拜叩之禱祝之儼
然有如在之誠焉而特患廟宇尚闕則神無所依矣又
患廟宇將頽則神有所恫矣故必於無者勸之使有頽
者修之使新務令煌煌在目動人見像生心之意豈不
美哉

周書實例卷之二

誠脩神廟


五



周書實例卷之二

五


五



靈佑宮胡道人者。自康熙三十五年來宮修行。灑掃殿宇。處處必周。勤慎至誠。錙銖愛惜。如是十有五年。積蓄約二十餘金。因見東嶽殿三官殿滲漏雨濕。神像頽壞。乃傾其所有。苦蓋修補。煥然一新。焚香叩拜。喜不自勝。遂辭赴白雲觀。朝夕念佛。一日謂衆曰。我今日有事。不能相隨念佛矣。坐於靜室。端然而逝。衆爲建塔。至今存焉。

印造經文

增論經典之在世。不自今日始。而在今日爲倍盛。撮其大意。不過使人明心見性而已。後之人又繹之以文。凡以解乎其義。俾人易曉耳。但遐陬僻壤。每有不能傳流之處。則非印造不爲功。必從而印焉。造焉。廣爲散布焉。使天下之人。咸得而展閱之。捧誦之。晨鐘暮鼓。庶幾可以醒夢迷而警悟也已。



關帝寶訓像

卷二

印經解厄

五

關帝寶訓像

卷二

五

明陳之棟山西人商販至京寓一寺內腦後生一疽痛欲死藥弗效睡中恍惚見一人曰爾臥禪堂不敬經王大痛難受悔罪消亡醒問僧何爲經王僧答曰蓮華經乃諸經之王也棟頓悟曰我到此無枕信手取蓮華經枕之腦疽之生佛譴我也因而佛前懺悔將所枕經另裝錦套頂供殿上又印蓮華經百卷供送各廟再服藥卽愈

捨藥

增論人生最苦莫如病富貴之家醫藥調治猶易痊愈若在貧賤無力延醫無錢買藥任其輾轉牀褥間幾何其不淪於死耶更有行旅道途及窮鄉僻壤病出倉卒無醫可延無藥可買勢將坐視其死而不能救仁人念此於是有捨藥之舉焉檢驗良方修合施送藥無論貴賤而品味務真躬任其辛勞而炮製必潔且也隨取而隨與毫不留難多取則多與並無厭數此等行事固與救難濟急者同一功德也哉



關帝實訓像誌


卷二 施藥堂第

五

明蔡元璜父善醫病家請卽去更檢驗方合藥施人樂此不倦伊姻親死而復甦言至一衙門有吏捧文書出手展文後批語令亟記傳播人間批云元璜無大善未該登第然其父捨藥多年卽此一節中進士有餘也仰註冊施行下科璜果鄉會聯捷

施茶

增論世間樂善君子施捨惟日不足最上者施財功德誠鉅再則施粥施藥施襖施湯降而至於施茶若不敢自以爲善也亦曰姑結良緣耳不知人值渴時口乾舌燥心煩腸熱得杯水如甘露焉寧曰匪善耶且捨茶棚多立於通衢曠野間往來行人無限苦况到此間一飲一坐可以暫時歇憇此何等利益而猶曰匪善耶甚矣施茶之功不可忽而不爲也



漢陽雍伯嘗設義漿給行人。三年有一人飲訖。問曰：何無菜羹？答曰：無種。其人懷中出菜子一升與之。且曰：種此生。美玉且得好婦。伯種之數歲。北平徐氏有女。伯求之。徐氏曰：得白璧一雙當爲婚。忽於種菜處得璧。以聘。生十男皆俊異。先後仕於朝。因名其地曰玉田。

戒殺

增論：凡物皆貪生也。而世人不恤其生。輒以殺爲常者。何歟？亦曰：物原供人之食。殺之不爲喪心耳。愚謂殺生者。卽不謂之喪心。實可謂之忍心。亦不咎其忍心。祇咎其縱口腹之欲。貧賤之人。殺生尚少。富貴之家。殺生必多。或有從而勸之者。不增其厭。卽激其怒矣。豈知殺機太深。則殺孽不淺。殺氣太重。則殺報不輕。可勿戒乎？

蓮池大師戒殺文

人人愛命。物物貪生。何得殺彼形軀。充己口食。或利刃剖腹。或尖刀刺心。或剝皮刮鱗。或斷喉劈殼。或滾湯活煮。或鹽酒生醃。可憐大痛無伸。極苦難忍。造此彌天惡

業結成萬世冤仇。今人多病多天。或死蛇虎。或死刀兵。或死官刑。或死毒藥。皆殺生所感也。我今哀告世人。不敢逼汝持齋。且先勸汝戒殺。戒殺之家。災橫消除。福壽綿遠。種種吉祥。難以具說。獨奈世間食肉。咸謂理所應然。乃恣意殺生。廣積冤業。相習成俗。不自覺知。昔人所謂可為痛哭流涕長太息者是也。計其逃執。略有七條。開列如左。餘可例推。

一曰生日不宜殺生。哀哀父母。生我劬勞。已身始誕之辰。乃生母當難之日也。是日也。正宜戒殺持齋。廣行善事。庶使先亡考妣早獲超昇。現在椿萱增延福壽。何得頓忘母難。殺害生靈。上貽累於親。下不利於己。此舉世習行而不覺其非。可為痛哭流涕長太息者一也。

二曰生子不宜殺生。凡人無子則悲。有子則喜。不思一切禽畜亦各愛其子。慶我子生。令他子死。於心安乎。夫嬰孩始生。不為積福。而反殺生造業。亦太愚矣。此舉世習行而不覺其非。可為痛哭流涕長太息者二也。

三曰祭先不宜殺生。亡者忌辰及春秋祭掃。俱當戒殺。以資冥福。殺生以祭。徒增業耳。夫八珍羅於前。安能起九泉之遺骨。而使之食乎。無益而有害。智者不為矣。此舉世習行而不覺其非。可為痛哭流涕長太息者三也。

四曰婚禮不宜殺生。世間婚禮。自問名納采。以至成婚。殺生不知其幾。夫婚者生人之始也。生之始而行殺理。

斯逆矣。又婚禮吉禮也。吉日而用凶事，不亦慘乎。此舉世習行而不覺其非，可爲痛哭流涕長太息者四也。

五曰宴客不宜殺生。良辰美景，賢主嘉賓，蔬食菜羹，不妨清致。何須廣殺生命，窮極肥甘，笙歌饜飫於杯盤，宰割冤號於砧几。嗟夫，有人心者，能不悲乎。此舉世習行而不覺其非，可爲痛哭流涕長太息者五也。


六曰祈禳不宜殺生。世人有疾，殺牲祀神以求福祐，不思已之祀神，欲免死而求生也。殺他物而延我命，逆天悖理，莫甚於此矣。夫正直者爲神，神其有私乎。命不可延，而殺業具在，種種淫祀，亦復類是。此舉世習行而不覺其非，可爲痛哭流涕長太息者六也。

七日營生不宜殺生。世人爲衣食故，或收獵或漁捕，或屠宰牛羊猪犬等，以資生計。而我觀不作此業者，亦衣亦食，未必其凍餒而死也。殺生營生，神明所殛，以殺昌裕百無一人。種地獄之深，因受來生之惡報，莫斯爲甚矣。何苦而不別求生計乎。此舉世習行而不覺其非，可爲痛哭流涕長太息者七也。

海剛峰先生戒殺辯

或曰：人但要心好，何必戒殺。答曰：心好無過於慈，乃將同有血氣，同有子母，同有知覺痛癢之物，戮其身，啖其肉，天下之凶心、慘心、狠心、毒心，莫此爲甚。好心却在何處。或曰：大仁無事，小慈何在。戒殺。答曰：仁者宏濟蒼生。

豈以小慈而遂廢之。古聖賢仁民而愛物。又曰。民吾胞。物吾與也。如謂執此而遺彼。大仁豈若是歟。或曰。細命似無關係。何必戒殺。答曰。物命雖細。皆知貪生畏死。如蝦蛤螺螭等物。有數命不足充一羹。有百命不足供一飯者。何忍爲口腹之故而殺命。至無算耶。至若豕羊雞鴨等物。小而畜之。皆有依依親人之狀。長而殺之。母乃殘忍之過甚乎。或曰。佛教戒殺。儒教何嘗戒殺。答曰。三教雖殊。其仰體上帝好生之心則一。豈佛老好生而吾儒好殺耶。孟子曰。見其生。不忍見其死。聞其聲。不忍食其肉。禮曰。諸侯無故不殺牛。大夫無故不殺羊。士無故不殺犬豕。非大聖賢教人以戒殺之明訓乎。



汪君弼江西人。平日不殺生。而宴客不禁。但時常宴客。竟與不戒殺等。一夕夢竈神告之曰。汝殺生太過。子應死於鋒刃。嗣續絕矣。弼醒後。仍不能改。未幾盜入室。殺其子。遂無後。弼痛悔。嚙指誓天。永不令活物入廚。更買物放生。所活無算。年過五旬。生一子。七旬外。又生孫焉。



學士周豫常烹鱖見有鞠身向上頭尾就湯而死者剖之其腹有子乃知鞠身就湯者護子也豫感歎永不殺生官至極品


放生

增論從來慈善之人不打生不網生何自而云放歟所云放者以物到我手中而釋放也否則購於人之手中而轉放也但欲放不可稍遲恐物不耐其困也欲放不可假人恐物反受其害也且放之不可有定期恐貪利者因此而預捕也放之不可有定地恐貪味者探此而往取也惟於目覩之頃隨意而買放焉曠野之間隨處而縱放焉則放生而物得生矣噫此等善行在有錢之人易在無錢之人難然有錢放生善固匪小無錢放生善亦加倍乃理之確乎可信者人亦知之否

蓮池大師放生文

蓋聞世間至重者生命。天下最慘者殺傷。是故逢擒則
奔。蟻虱猶知避死。將雨而徙。螻蟻尚且貪生。何乃網於
山。罟於淵。多方掩殺。曲而鈞直。而矢。百計搜羅。使其膽
落。魂飛。母離子散。或囚籠檻。則如處囹圄。或被刀砧。則
同臨劓戮。憐兒之鹿。舐瘡痕。而寸斷柔腸。畏死之猿。望
弓影。而雙垂悲淚。恃我強。而凌彼弱。理恐非宜。食他肉。
而補己身心。將安忍。由是昊天垂憫。古聖行仁。解網著
於成湯。畜魚興於子產。聖哉流水。潤枯槁。以囊泉。悲矣
釋迦代危亡。而割肉。天台智者。鑿放生之池。大樹仙人。
護棲身之鳥。贖鱗蟲。而得度。壽禪師之遺愛。猶存。救龍
子。而傳方。孫真人之慈風。未泯。一活蟻也。沙彌易短命。
為長年。書生易卑名。為上第。一放龜也。毛寶以臨危而
脫難。孔愉以微職而封侯。屈師縱鯉於元村。壽增一紀。
隋侯濟蛇於齊野。珠報千金。拯已溺之蠅。酒匠之死。刑
免矣。捨將烹之鰲。厨婢之篤疾。瘳焉。買死命於屠家。張
提刑魂昇天界。易餘生於釣艇。李景文毒解丹砂。孫良
嗣解繒繳之危。卜葬而羽蟲交助。潘縣令設江湖之禁。
去任而水族悲號。信老免愚民之牲。祥符甘雨。曹溪守
獵人之網。道播神州。雀解啣環報恩。狐能臨井授術。乃
至殘軀得命。垂白璧以聞經。難地求生。現黃衣而入夢。
施皆有報。事匪無徵。載在簡編。昭乎耳目。普願隨所見。
物發慈悲心。捐不慳財。行方便事。或恩周多命。則大積

陽明先生全集卷之二
陰功若惠及一蟲亦何非善事苟日增而月累自行廣
而福崇慈滿人寰名通天府蕩空窻障多祉萃於今生
培積善根餘慶及於他世矣



陽明先生全集卷之二
師勸放生
三

宋侍郎王敏仲喜放生一日忽生疑往決於小法華禪師以某所見物不殺不放付之無心可乎師厲聲曰大錯大錯面前木頭皆是無心著幾個木頭能救得世間一個苦人否公聞駭然發心永行放生功德大抵慈是善放生實養慈之術云



關帝寶訓象莊 卷二放生延壽

宣和間楊序夢神告以逾月當死若救活億萬生命庶可免序云大期已迫物命有限奈何神曰佛書云魚子不經鹽漬三年尚可活曷圖之序竭力買放仍大書神語於通衢由是人皆知戒見魚子卽投江河中月餘復夢神曰汝壽延矣


施虞山放生魚子法將魚子輕輕取出勿著鹽水攤放稻草上或瓦上俟其水迹略乾卽放於河中恐爲物所食須淺埋於水際沙泥中但不可離水又一法將乾鬆細泥沙拌魚子攤放稻草把上投放沿河淺際庶不被他物戕食物命之多放生之易無過於此仁人君子幸擇而行之



關帝實錄傳言 卷二
錢塘名士鄭圭病中夢舉人陸庸成過訪時庸成已死數
月矣儀從甚盛問陸授何職答曰冥曹觀政因出二書以
贈一則孝義圖一則放生戒殺書鄭視放生書云此雲棲
大師所刻公在冥途何以得此答曰冥王每遇世間嘉言
善行必紀錄且頒布遵行人第患不信從耳君能奉行世
二書病將愈矣既寤奉二書勉力行之病果漸減因傳其
事

造橋

增論江海茫茫匪船莫渡矣下此則爲河爲溪爲溝爲
澗可無需於船且不便於船者則重有賴乎橋焉橋有
長短有廣狹有高矮或用木檣架而起或用石層疊而
成豈易言造歟然度其所需之多寡可以易爲力者不
妨獨造焉其在難爲力者不妨與衆共造焉卽曰因此
任勞歟而功以勞而益著也卽曰緣此斂怨歟而德以
怨而更溥也迨橋之功竣而往來行人心焉喜之而予
之心何樂如之



關帝廟重修記
卷二
造橋成仙

關帝聖訓修路
董起庄農爲業。家道從容。每於夏間。凡水停泥陷之處。俱架木爲橋。又於溝渠之間。必搭板爲橋。往來行人。處處稱便。如是三十年。臨終囑其子曰。我適作一夢。上帝嘉我。建橋有功。命我爲地仙矣。言罷而逝。

修路

增論往來行人。日夕遊之而不絕者。路也。大路平坦。無待於修。若地有坑窪。或車轍深陷。秋冬乾燥。猶恐難行。春夏雨時。必致困苦。再若高山峻嶺。險隘更多。行人到此。膽落心驚。一或失足。性命不保。仁人君子。發心修之。窪陷者。墊之。使平。峻隘者。開之。使寬。務使往來行人。咸受平坦之利。此其爲功。豈淺鮮哉。有財者用財。無財者用力。眼見功德。曷不勉諸。

關帝廟川泉庄

卷二 修路榮貴



關帝廟川泉庄

卷二

三

馬景白爲人傭工。其村中街長五里。值雨後泥深。車輪淤陷。畜受鞭撻。人苦費力。白每於雨後荷鋤。修補令其平坦。易行。十餘年不倦。後遇一武官。引去入伍。食糧以軍功授。千總。累陞至都司。

